

Sal 3 Dec 1898

大清光緒廿四年

本館新開除禮拜外日出一張諸君賜閱本報者無論本埠外埠均可函致本館取閱如外埠閱報加寄費不可也除日本從英國採辦外復不惜工本從英法各國各官紳紙各機器以待與各官紳刊印書籍單件並有英法各國活字及各式花邊等延有西文排印工藝甚精所有中西文字均能刊印並精工刊印字大小機器均用精工刊

第五千一百一十一號

報叻



(號七第牌門口虱巴舊在設開館本)

印工級絕倫並延有文士書寫各種文字現由上海購到各種書籍出售其書目另行刊佈所有各項價甚相宜再本館所登來札原登其有無世道人心者附登否亦須無礙於人而後始錄其有謬誤成文以及支離費解者概不登錄嗣後諸君來札尚祈自諒更須寫真爵里而後敢將原稿收回也本館謹白

戊戌十月二十日

大英一千八百九十八年十二月三號拜六 (仙壹字每目首自告銷五張每色每張一月每)

延請教讀 ○啟者茲承友人託本館代延教讀先生一席其人須漳州籍且不吸食鴉片者方能合式 諸君有願就斯席者請至本館面商可也特此佈告
本館代啟

己亥年月份牌出售 ○啟者光緒二十五年己亥之月份牌現經印就定於即日出沽至本年所印之月份牌係按照時憲書并參以諸家之歷細心較對無訛而且字畫玲瓏紙張潔潤繪事精細甚屬可觀 諸君賜顧祈早 玉臨選購為盼
本館謹啟

論國家重在得人

從來有國有家者無不以得人為官務蓋得其人則治不得其人則不治百不爽一無待著龜且既得一人即能得眾人同聲相應同氣相求物以羣分方以類聚賢者無不在位能者無不在職彙征之吉是為盛世足以措天下於磐石之安者在是足以奠社稷於苞桑之固者在是不密維是國有人焉則鄰國且不敢窺視敵且不敢輕嘗而一切肆無忌憚之言皆不得出諸其口此又稽諸往古史冊所載斑斑可考所謂信而有徵者也乃今觀於泰西諸國之待中國也夫言炎炎絕不顧忌各埠西報所傳播者或曰將索某地或曰將擴某區或曰將開某處之礦產或曰將包鐵路於某方紛紛擾擾如出一轍其最甚者則直言將欲瓜分中國之地亦若可以唾手而得無煩擊畫者然似此欺人曠古罕有其故安在則以藐視中國之無人故也使中國尚有一人則一聞此言且將懼憤而死不但無須立於朝端抑且無須立於人世即便縱不輕生亦當毅然告退不敢以尸位素餐貽誤國家社稷試觀近來在京在外諸大臣有一自知誤國翻然引退以文其醜者乎無有也既不遜位又不舉賢自代而顧貪享此高爵厚祿悠悠冀欲終其身於富貴中國家而欲倚賴之以為此固我之公侯千城也以為此固我之公侯腹心也其不為所貽誤者亦恐絕無而僅有矣嘗讀史驚記明思宗臨難時環顧在廷諸臣之言曰朕非亡國之君諸臣皆亡國之臣實事實情痛心千古今中國 皇帝何等英明為泰西諸國之所欽仰且 聖躬不豫各使臣俱以一見顏色為幸事殷殷求覲之情至再至三殊為親切非矯飾也所恨者左右無一賢人諸大夫無一賢人國中未必無賢而無由進用則亦與無一賢人等舉國無賢即謂之無人也可無人之國自然可以任人取其自然可以任人擴其圖自然可以任人開其疆產自然可以任人造其鐵路所不忍言者未失其鹿而天下即欲共逐之明相要約共訂盟書登諸報章大張曉諭目空一世旁若無人尤甚者則且直言告諸政府自居於齊桓公之正而不諱不效晉文公之謫而不正遂堂堂皇皇無人敢議其後斯言也無論其為虛聲囑咐抑係就裏真情而藐視中國之無人則固顯而易見設使中國早自有人此言斷不至入耳即使中國今尚有人亦必能侃侃陳詞折服以正論力黜其狡謀所謂拆衝於樽俎之間戰勝於壇坫之上者是也乃竟寂寂無聞一任狂言無忌同甘緘默聽其自然國家養士數百年直無一人堪為世用能令人齒冷耶當此之時朝廷之上亟亟進賢封疆大吏亟亟求賢事勢艱難已虞不及乃又以誤薦人才故將濫保之大臣嚴加罪譴亦若深惡痛絕然則從此問有何人敢搜羅探穴為國家訪求賢才舉而登朝右者亦可必其決無事即詔旨諄諄趣其遴選亦不過於嚙人廣眾中擇其碌碌庸庸唯唯諾諾者略進一二潦草塞責或舉稔知之私親取其無甚圭角者或舉賄賂之私黨取其不致異同其為規避處分之計則得矣其如國事何耶似此僉壬內則布滿朝端外則布滿天下其貽萬國之恥笑者事猶小其動各國之欺凌者患則大若坦然而以將事瓜分則布滿朝端外則布滿天下其貽萬國之恥笑者事猶小其動各國之欺凌者患則大若坦然而以將事瓜分難日形危殆岌岌乎有不可終日之勢勢推源其故則以舉朝無人也舉國無人也國家重在得人乃竟輕其所重而毫不介意也所謂天下之人者則孤立於上所謂羣士萬民者則委棄於下既無從施其治道自不能免其欺凌理實昭然未足為異所不能已於痛哭流涕者則國事之日蹙耳北望軀心焉繫之矣

諭旨恭錄

○九月二十六日內閣抄奉 旨內閣侍讀學士員缺着慶會補授徵取內閣中書存

山兵部司務許惟善俱照例用俸滿西城兵馬司副指揮王兆霖着照例升用保舉河南候補知縣唐瑞恩陝西候補知縣張鼎成甘肅候補知縣高斗雲南候補知縣蔡桐珍俱照例用卓異俸滿江西廬陵縣知縣馮蘭森着回任准其卓異仍加一級註冊候升擬補內閣中書蔣保康鄧那彥南城兵馬司副指揮高儀廷俱准其補授盛京錦州倉官員缺着擬正之文森補授擬陪之三喜着記名盛京牛莊倉官員缺着擬正之明安補授擬陪之柏常阿記名欽此○十月初七日奉 上諭桂祥恩佑現駐南苑兩白旗漢軍都統著松淮署理副藍旗蒙古著崑岡署理欽此○同日奉 旨明惠蘇魯岱色晉徵額現駐南苑兩白旗蒙古副都統著鍾秀署理兩白旗漢軍副都統著溥深署理副紅旗蒙古副都統著英信署理欽此○同日奉 旨蘇魯岱現駐南苑所署正白旗護軍統領著溥善暫行署理欽此

英京官電 ○本坡實得力太晤士西報接十八日英京來電云廷臣峇花昨在勿里士多對眾云此次幸得列國合力辦理某列之事則將來大局可以望其保全該大臣又云花梳打之役不過法國外藩黨人爭論夫我英國之意初實非有撻戮之心乃不幸法國官民竟悞以爲我英之怯無論事情如何亦斷不敢出於一戰故其事遂幾至釀成决裂云云同日來電又言近有英將二員及候補將弁三員定於西本月十五號由英啟行前往威海查此諸弁前往係欲會同前由印度派往之員共爲該處新招華軍二千名之教習也

英京商電 ○本坡實得力太晤士西報接十八日英京來電云北慕娘公司於歲暮會宴之時座中有巨商名加威者言英國近日始知北慕娘一地實爲要領至於該處土人亦沙禮作亂之事乃屬彼此誤會故致釀成云云時新嘉坡總督閱公適因假旋在英故亦與於斯宴因亦論謂將來慕娘烟之在納閩者其銷場必當更爲暢旺云云按加君係北慕娘之煤礦商商前末沙禮之亂君曾有調處其間近因以事旋英故席間有此論也

奧日電音 ○本坡實得力太晤士西報接十八日英京來電云奧國議院已將與日兩國近日續換之條約核准然則此約當可以畫押施行矣
馬島疫電 ○本坡實得力太晤士西報接十八日英京來電云馬勝牙士加之打馬底付地方現在已見核症數起可知是症愈延愈廣是亦可爲一慮矣

法官醫案 ○前者督撫大史薦舉名醫侍診情形及其所開方案經列前報茲閱上海西字捷報載有法國醫生所呈醫案內談脈症與華醫所診畧同惟其指病尋源則較華醫迥異可知此脈案果屬真確無疑登以供眾覽據云謹案 大清國皇帝聖躬初見之時體氣瘦弱精神短少口味尚好脾胃消化遲緩大便帶瀉有不能化飲食之症嘔吐氣喘肺家亦弱血行遲緩脈細速頭痛胸熱耳鳴眩暈如欲墜畏寒下焦尤甚手指因冷無知覺大腿似縮而脹遍身發癢腰間多痛小便清淡而短無蛋白質共二十四點鐘內較壯實人小便畧少細按各症係內腎火旺平常壯實之人血經過腎家則放出毒物然後化溺若不然而則毒入血分全體受傷查與此症相符應養息腎家方能毒由溺出宜飲牛乳或人乳和糖服之數月之久另服藥粉以上諸痛因體弱故凡養血之物皆從溺出也

輪船拍賣 ○本坡麥加里實達洋行於本日午刻在其行內拍賣英旗之船一艘至其詳細已由該行出有告白附登本報通知覽之便悉

外國兵先後入京 ○英俄德法日本義大利各國兵隊進京均誌前報茲聞得奧斯馬加國派至北京保護使館兵隊計三十五人亦已於前禮拜五入京又探悉美國派赴保護使館兵隊亦已於二十一日由津坐火車進京計兵官一人兵丁二十七人各執快鎗并携有子藥數箱廿一日下午由塘沽開津火車載有俄國兵一隊均手持銅鼓銅簫喇叭以及各種樂器晚間抵津二十二日午車此項俄國樂工業將次登車由津入京而津鐵鐵路局以形迹可疑未敢擅載暫時停車謂須奉有北洋大臣允許明文方可運送入京天津俄領事書君得信後即命駕至津海關道李觀察處告知此項俄兵乃係軍中樂工並非軍隊因北京俄公使逕請總理衙門各堂官欲得樂工稍食以示敬意故特召入京並無他意可請放心李觀察旋即赴北洋大臣處請示聞北洋大臣已電詢總署俟得總署回文再行定奪

外兵在京情形 ○前月各國派兵入北京保護本國公使衙署各節茲接前途續信云各國公使署中所有西兵皆在署內屯宿防衛每值操演之時各持鎗械而出悉照規矩若無事出外開玩則皆赤手遊行不持寸鐵舉止安靜頗爲守分故京民亦相與安之現在俄國公使署有馬隊三十名及步兵等其餘各國皆步兵三五十名而已惟英日兩國各有一炮該炮約十分鐘時可發二千五百彈實爲行軍利器聞此炮現在存放庫中蓋所以免京中人生疑也

土稅收數 ○天津友人函云中國息借洋款向由各關稅扣留抵還直隸徵收土藥稅銀兩亦一律照辦聞自光緒二十二年九月起至本年三月止有徵收土藥落地稅共五萬兩除劃撥練餉局外應認還三十三年分洋款歸江海關扣抵例由藩臬詳請督憲奏咨昨已備文申詳到院矣

新設東文館 ○日本與中國立國同在亞東同洲同種日本文字亦用漢文僅參伊呂波文數字於其間是以學東文之易數倍於英

德法俄之文天津有英文俄文等館而無東文近日日本豐岡日平高橋力二君來游中國設館於紫竹林法工部局西慶德飯店勞教授東文期以中東兩邦之人交誼益敦和協豐高二君其志願海堪嘉尚矣而中國之稍明時局者亦無不以豐高二君此舉深有益於中國云

准設領事 ○日本來信云日京杜基奧接到北京電傳消息言日本政府擬在中國通商各口岸設立領事及在福州另開日本租界一節業經兩國奉派商議之全權大臣會商就緒由兩大臣簽名書諾其所索福州租界地段按日本地畝計之以二十萬個蘇保士為率亦經中國允其照辦惟每蘇保士合中國丈尺幾何未獲詳悉俟見明文再為錄報

湖南礦務 ○張香帥總督兩湖設機織局織政局并開各礦以裕財源而塞漏卮究心時務培植人才洵近時總督中首屈一指且用才各當物色羣英兩湖風氣為之一變茲悉湘省礦務經已奏准歸紳士開辦外人不得侵漁上年陳佑民中丞委派礦師溫務之查探各礦擇其苗旺之礦次第開取如衡州之鉛礦辰州之鐵礦皆大有起色惟該兩處嵐瘴之氣頗大水土又復不佳辦理似不易易又密鄉青澗湘潭三處之小化石煤採取甚有效驗煤之佳者每日可得三四百担惟機器細小未能多取然水土雅潔可無瘴氣之虞至平江金礦二三月時已開龍口數處淘沙見金每日沙泥中亦可得金一二分俟機器到齊每日可淘砂二十墩且水土又和平清潔惜食物難辦相去堪傷二十五里未能嗚呼可至耳

龍眠山色 ○皖江友人書云朝廷力圖自強振興中西各學校前降 諭旨著各省督撫將書院及不在典祀之廟宇一併改為學堂招集聰穎子弟仿行西學院撫鄧大中丞奉 諭後即轉飭各屬一律欽遵辦理去後乃八月十一日 上諭廟宇無庸毀改以順民情而各屬接奉前次 諭旨已將書院改為學堂並將廟宇查明先後申詳茲聞望江縣何大令呈報該縣東門有雷陽書院房屋有五十餘間每年租稻四百餘担經將書院改為雷陽崇實學堂延宗吳兩孝廉為教習招集聰穎子弟入堂肄業已於八月十七日開課又穎上縣熊大令亦申詳該縣有梧岡書院月有地租若干已將書院改為學堂該縣訓導姜廣文博學多才熊大令即延廣文督辦學堂事宜一面籌款再延請精於西學之人入堂為教習云未悉中丞如何批示

那得如故 ○梁鼎芬因蔡李鴻章革職康有為贈之以詞梁答一詞極其佳麗惜談者僅記其下闕為錄於下詞云多謝詩人心太苦儂自摧殘豈彼西風誤昨夜月明今夜雨人生那得長如故今梁與康因終隙末翻雲覆雨人生那得長如故梁固自言之矣言者心聲信哉錄游戲報

臬堂畢訊 ○連日臬堂審訊第十五起吉甯人六名騙案因証供頗詳而被告復延狀師代辨故連訊數日始畢厥詞訊畢後陪審諸員僉稱被告為無罪因判將其省釋於是本期案牘俱已訊畢旋即收堂

騙術翻轉 ○在路拾得銀紙約與見者均分以圖行騙之事已成老生常談人多習聞不易被其所騙及不意匪徒之計愈出愈工即以此術而寓一金蟬脫殼之計於其中此等所為亦殊狡而巧矣穆拉油人某甲奉其主人之命携銀紙四拾元往銀行換銀而歸迨至路上見有華人某乙從前路行遺下銀紙一張旋有丙丁二人見而拾之視之則一百元之銀紙也因共乙甲分之甲細驗其銀紙委屬真物毫無假偽因而深信弗疑正欲往換丙語甲云君如有銀可先給與吾即將此銀紙與君携去可也甲念銀紙不偽何妨與之因將四拾銀元奉與某丁而銀紙尚在丁手也詎甫交銀元之際而乙忽坐息奔回自言遺失銀紙百員必係丙所拾得因纏丙不放了則故作傍徨狀語甲曰事變矣君可速携銀紙而行否恐不免爰將銀紙與甲一接之即不暇與言飛奔而逃迨至人跡稍稀之處取而視之則一廢紙而已

慰情勝無 ○沈某閩之安溪人携妻劉氏南來住居實籠岡路以賣菜為業沈夫婦年將不惑膝下猶虛拾八早四點餘鐘時挑菜來坡迨行至附近篤生醫院之處忽聞兒聲呱呱而啼視之聲在路傍竹籃之內就前抱視則女孩也係以舊襖包裹傍置洋銀四枚沈見之知係人家所棄故繫以銀示作收養之費者沈正望兒慈切忽得一女亦覺慰情勝無因抱往差館報明并將茶寄於附近店中將女抱回交與伊妻撫養沈夫婦皆異常欣喜以為得天所賜云

被搶不成 ○叻產潮婦李氏於拾八日往加籠路探其戚屬至夜間拾點鐘時始歸因呼聞人吳異之車乘坐於時殘月初升正行至橋頭之處遙見前途有三人迎面而至或相耳語吳見其行踪有異因攔婦將其所戴金簪藏於身上已并留意防之迨行既近果有二人將車攔截其一人即向婦首撲去不意竟無一物而吳旋停車路傍將二匪推墮溝內餘一匪欲上前與吳為難亦被吳老拳痛擊抱頭遁去婦又在於車中鳴捕迨至居民趕出則諸匪已逃吳乃御婦而歸婦感其德因以洋銀二餅酬之而去

不成世界 ○有華人某甲於拾八日出門道經松柏街甲帶有鑽石戒指一具其喧甚巨計值至五百三十元詎忽被匪徒截而搶掠遂被搶去甲因與匪相纏牢執不放奈有匪黨數人忽來助匪故卒被其遁去事後聞經有司獲有二人以候訊辦觀此一專則叻地盜風之熾一至於此洵令人聞而駭異矣

府堂紀案 ○美芝路差館第五十二號一畫差昨請票傳差控告小坡新街等處烟廊五家言諸人至夜間十點鐘後仍復開門賣烟

府堂紀案 ○美芝路差館第五十二號一畫差昨請票傳差控告小坡新街等處烟廊五家言諸人至夜間十點鐘後仍復開門賣烟

府堂紀案 ○美芝路差館第五十二號一畫差昨請票傳差控告小坡新街等處烟廊五家言諸人至夜間十點鐘後仍復開門賣烟

府堂紀案 ○美芝路差館第五十二號一畫差昨請票傳差控告小坡新街等處烟廊五家言諸人至夜間十點鐘後仍復開門賣烟

實違例禁等語十九日府尊訊畢或判罰銀五員或判罰銀十員視其時刻之早夜以為等差○又第二十一號二畫差請傳審票控告小坡大馬路及域多利亞之飯店九家言諸店每夜至二三點鐘時仍不閉門有違例禁同日府尊訊畢判各罰銀三五員不等○前報查核秤磅總差麥文控告烟公司秤烟之戥不符一案昨復在於府堂集訊惟尚未經定讞命展至十二日再訊○后港差館第拾一號三畫差控告閩人梁源等六人云諸人所收之家不禁欄中縱其出外有壞官道等情同日府尊訊畢判各罰銀二員○粵人陳亞俊於十八日由丹戎巴葛船澳而出携有黃梨膏一罐因被澳差所獲是日送至府堂據梁供此物係友人所贈并無別故府尊訊畢以其終違例因判罰銀五員○丹戎巴葛船澳總差巴智申控告甘公峇汝貨棧書記叻產閩人陳振和據稱陳於去月廿一日下午盜竊紗衫六盒等情同日府尊訊定判將其監禁半年示儆○前報晉江人王大目控告東主閩人吳仲謀在麥屬雙嶼駛伊弟并焚燬屍身一案同日已由府尊訊定以原告供詞反覆無憑因判將被告開釋案遂注銷○昨報甘公嗎珍執獲私藏軍械時相械門之潮人二名一案昨經府尊訊定判各監禁四十二日以蔽厥辜

京報選錄 ○頭品頂戴山東巡撫臣張汝梅跪 奏為懇欽重修曲阜廟工告竣恭摺仰祈 聖鑒事竊照山東曲阜 文廟為海內士庶所宗仰前因年久失修工繁費鉅經前撫臣李秉衡委員勘估未及興修臣於上年冬到任復飭原估廟工之候補直隸州知州陳憲覆勘確估核實承修計自光緒廿二年十月十五日興工至廿四年七月十五日報竣臣飭委驗自宏道門起舊制崇高壯麗祇存大梁明柱安仍其舊其棧題節稅無不更新東西及偏門及兩端官根基層累而上前則有金水橋南岸石欄大半傾圮斷者易之並三橋欄杆悉為整修東南為聖時門闢大雄偉而風雨剝殘尤甚自牆以上無復存者按照舊式增修門以內東為快觀門西為仰高門木瓦山牆全行破碎亦照式修葺再東南為德侔天地坊西為道冠古今坊故址雖存而未多朽腐瓦亦脫落均葺其舊而易以新中有至聖廟太和元氣二石闕宇迹漫患磨洗重鑄數之以金以前為樓門元闕僅存其二亦新易其四並東西兩河前而左右崇垣皆其根脚一律修補廟前金聲玉振壇東垣外關里磨及周圍台基亦均整其錯落以上均屬工堅料實尚無草率偷減情弊共用料銀一萬五千四百餘兩由修理貢院經費餘剩項下撥銀五千兩臨清關留外充公項下撥銀五千兩濟甯州修工存剩木料變價銀一千四百餘兩其餘不敷銀四千兩由司另籌撥解款係外銷應請免其造報從此廟貌重新觀瞻頓肅用副 聖主重道崇儒之至意除咨部查照外所有重修曲阜廟工告竣緣由恭摺具陳伏乞 皇太后 聖鑒謹奏奉 硃批該部知道欽此

輪船貨物出投 ○啟者茲本行承命定於本月 卽利心末月三號禮拜六日正午在本行內拍賣前在牙士巴實得力之亞沙士知錨礁失事之二枝半桅英旗船一艘該船名亞呂烏付合打羽因茲拍賣該船身及其船上所有之貨物其貨內有土油八萬箱惟中有三萬箱已經起卸其餘一切詳細情形可向本行面詢便悉特此佈告 西一千八百九十八年拾二月三號 麥加里實達洋行謹啟

臬署經理司告白 ○啟者茲因已故周炳祥家業之事為原告劉亞日及其子被告周成友及王氏遷娘構訟之案經奉本坡 臬憲於一千八百九十八年怒民末月七號諭定前轉珍目公司管貨人住居在新嘉坡美芝路第二十號門牌於一千八百九十八年九月九號身故之周炳祥前者所有欠諸人之款項該債主有欲向其取討者可將所欠之項若干及該債主之居址等詳細逐款列明并聲明有無物業作按定於西一千八百九十八年利心末月廿四號以前將單交到麻六甲街門牌第廿九零二號廿九零三號即已故周炳祥之掛砂人即被告周成友之狀師怡亞答寫字樓內以憑察核倘逾期不來是為自誤以後不得相爭若諸債主收有作按之物券等件當於西一千八百九十八年利心末月廿八號上午十一點鐘時將其所按之物券等交到臬署本經理司寫字房內因本經理司定於是日詳查已故周炳祥欠項之事得以為之核結也特此預聞 大英一千八百九十八年怒民末月二十二號 新嘉坡臬署經理司施兒迷呂兒謹啟

輪船往毛里嶼 ○啟者茲本行有輪船一艘名曰孟買大有二千零四十九墩定於日滿啟行前往毛里嶼 諸君有欲搭附貨者祈至本行面商便得特此佈告 大英一千八百九十八年拾二月二號 冠兀里亞洋行謹啟

工部局招舉局員預告 ○啟者茲以下所列之紳士已為大狀師惹卑如經及華紳余君連城請舉以便諸人入票公舉充當新嘉坡梧槽地段即第四段之工部局員茲定於西一千八百九十八年利心末月六號即華拾月廿三日禮拜二在本局內公舉人員處集眾入票以定去取 茲將請舉之紳名銜居址列左 威廉爾申 現寓小東陵第六拾三號門牌之吉禮頓 現充大狀師之職 工部局總理人下力山打然直謹啟 大英一千八百九十八年拾二月一號

荷蘭國駐叻總領事官告示 ○大荷蘭國駐叻總領事府爾域 為再投稟內賭餉碼事照得本國家欲將稟內之賭碼及賭碼再行招人入票承充此碼係承辦西一千八百九十九年一載為期為此示仰商民人等知悉汝等欲承充此役者可於西利心末月十二號以前入票以憑選擇可也特示 西一千八百九十八年十二月一號 示

退股聲明

份并舉其在店完當司事嗣因意見不合故余經將自己名下之股份概行拆出另圖別業嗣後德安號與人往來交易以及賒揭滙項等概為經手是問與余無涉特此聲明
大清光緒廿四年拾月拾六日
西商公聖告白 ○啟者本公聖現在僱請侍役首領一名其人須能通英語者方能合用如果其人穩練誠實且辦事勤能者自不吝踰格相酬倘有欲就斯役者其即携其舊紙前來面商可也特此佈告
西一千八百九十八年十一月廿三
新嘉坡西商公聖謹啟

工部局告白

○啟者茲新嘉坡工部局欲用以下所列各物茲特招人入票承辦此役係一載為期由西一千八百九十九年然哇里月一號起算茲將各物開列如左
一木料 ○二加定園柴及民打俄圓柴 加蘇柴枝 幼面磚及渣瓦 ○三漆料 ○四祖家灰 ○五石灰 ○六寸隻及駛牛車之人此係欲為掃掃街道及清除撥插之用 ○七寸隻牛車及駛牛車之人此係欲作運配物件之用 ○八鋼鐵及機器房內所用之物 ○九雜物 ○十掃帚 ○十一碎石 ○十二機器匠鑄銅匠及裝飾幼工 ○十三號衣 甲物料及黃白斜紋布 乙物料及縫造鐵網黃白斜紋布衣服惟鈕不在其內
丙縫造及鑲網烏呢 黃白斜紋衣服及帽 至其入票格式及其一切詳細情形除禮拜外可於每日工作之時到本工部局詢問取領便得然每次到局詢問及取討格式紙者須備費銀半元至入票之時每票須付壓票銀一百元迨至各票核定之後即將該壓票之項發回但所入之票須於票外聲明承充其項工程字樣於西一千八百九十八年利心末月拾三號正午以前送至本局寫字樓交司理人收接以憑核奪至於乘取之權任由本局裁奪不得以價之高低論也特此佈聞
大英一千八百九十八年拾一月三拾號
新嘉坡工部局副司理人棉惹丕奉命謹啟

工部局告白

特此通知茲照一千八百九十八年所定第十五條之三十五章及三十七章茲因本坡工部局在新嘉坡第四段即梧槽地段人員大狀師威廉蘭申於一千八百九十八年利心末月三十一號照例拈圖告退故欲於後月即利心末月六號即華十月廿三日禮拜二在新嘉坡品禮申兀鄰路工部局之寫字樓內再行公舉局員一人以代爾申君之任其投票時侯定於是日上午十點鐘起至下午四點半鐘止其票紙可於投票之日由各入票之人至收票之處向總理收票之人取耐每人應給一紙然照議定之律章凡諸選稅之人如欲公舉局員須以有價租稅者二人先行立書列舉一人舉之一人和之而該公舉字當於怒民末月廿八號禮拜一以前付交工部局寫字樓然該兩人須有公舉之權可以公舉該段之局員者方可至欲公舉局員之格式紙可向工部局司理人處取討便得而本局總理人員當於怒民末月三十號禮拜三由下午二點鐘至四點鐘在品禮申兀鄰路本局寫字樓內靜聽裁奪凡諸人有前來告訴所有入票公舉之員果有不合之處否以憑核辦特此佈聞
西一千八百九十八年十一月廿八號
新嘉坡工部局總理人然直奉命謹啟

葛士兄弟有限公司沽賣平貨

啟者茲定於西十二月五號即華十月二十二日起定期一禮拜之久將本公司所存貨底從廉發售此皆頂上貨物惟減價之日無多 諸君有欲採買者祈速移 玉前來勿致有誤特此佈聞
大英一千八百九十八年十一月二十九號
葛士兄弟有限公司謹啟

退股聲明

啟者古寧街尾門牌一百一十號廣記客棧生理原係黃連捷李讓合昔年合夥經營現今李讓合意圖自創生理請到公親葉唐生陳正雲翁前來憑部核算清楚將賬退而所有該棧生理全盤並各單往來賬目原係黃連捷項受各號往來之數原係向承頂人是問日後生理盈虧與退股人無涉先字聲明以免後論特此佈告
光緒廿四年十月十六日
李讓合謹啟

橋井流香

古云不能為良相當為良醫荷能按其長出而治世其功德豈淺鮮哉茲有陳松江先生者潮邑鯊頭人也素擅岐黃之術治兼內外秘授婦孺技南來懸壺于舊巴虱永裕興號內但先生初到地方意欲傳名濟世荷資而無力者區區醫醫兩箇月余與先生乃同宗之誼且素相友善深知其能爰特修飾數言登錄報端以告諸聞津者倘 諸君有欲延請可按址相尋便得特此佈告
光緒二十四年十月十五日
永裕興號謹啟

聲明告白

啟者新加坡水仙門第六百一十七號門牌廣勝隆號皮料生理原係余陸怡勝自壬辰年八月初十日與陸阿成陳阿發 陳宗結 陳阿照 伍學美 胡日洪各股友合夥開創當時店務初興需人孔亟曾蒙各股友等舉余陸怡勝在店司理各務及買賣數目等項向來無異茲緣余陸怡勝志欲鄉旋乘於本年十月初八日特請各股友到店告辭職職委請公親陸敦 簡焯二位老爺駕臨秉公即將余陸怡勝自壬辰年八月初十日所掌店內各數核算清楚并無轉轉等情因即向公親面前概將店務及各數部交回各股友執掌似此首尾清結合應聲明以昭清白此佈
光緒二十四年十月十五日
陸怡勝謹啟

勸辦粵漢鐵路招商分局啟

○啓者本分局現蒙 粵漢鐵路總辦張 委在南洋創設分局開辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有一切詳細章程經已另刊清摺以便 諸君取閱此乃難得之遺逢無窮之美利有志者幸無辜此機緣也特此佈告

大清光緒廿四年九月二十九日 大英一千八百九十八年十一月十二號 勸辦粵漢鐵路分局委員吳丕球謹啟

招人除糞示

○大英欽命新嘉坡輔政使司 爲招工除糞事照得本國家欲招人承充本坡城內除糞之役此役係承充一載爲期由西一千八百九十九年然花里月一號起至西年底止爲此示仰商民人等知悉爾等有欲承充此役者可於西一千八百九十八年利暹末月十五號即華十一月初三日以前入票投交本署以憑選擇其載糞之車係由國家給與應用但入票之人務須聲明其糞欲置於何處然須運至工部局界外方可若能准其承辦則須保項二百五十元至於棄取之權任由國家主裁各宜踴躍慎無觀望特諭

大英一千八百九十八年十一月二十一號 示

工部局告白

○啟者茲本局所估一千八百九十九年本坡工部局界內各屋全年屋稅以便抽取門租者其冊現列出存於勞民申路本局寫字樓內以便價稅之人到閱除禮拜外每日均可到本局寫字樓內觀看而本局員當於一千八百九十八年利心末月廿一號即華十一月初九日禮拜三下午三點鐘在本局寫字樓內會集以便聽斷價稅之人前來告訴所估之價或有不公之處倘逾此期即將其冊止結又凡欲訴所估門稅有不合之處者務當具字於所定聚會之日十四日以前通知或至是日前來當堂訴辨以便將冊再行更正均無不可特此佈告

大英一千八百九十八年十一月十七號 工部局副司理人棉惹丕承命謹啟

失印聲明

○啟者茲敝號留美火船本月初一日到叻有遺失新留美輪船艙口印乙個嗣後此印作爲廢物今敝號再刻留美輪船艙口一印惟少一新字爲憑以免後日魚目之混謹此佈知

光緒二十四年十月初三日 豐源號謹啟

精製眼鏡廣告

眼科之理甚微難離囑述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預備精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微凡購用者必先由余驗其眼光如何然後配以合式之鏡自能保護瞳神到老不眠前在英京及加刺吉打等處售賣卓著聲名今到叻中寓迷得律第三號門牌 諸君賜顧尚祈按址訪尋不勝幸甚蓋余不過暫駐數天行將他適也

大清光緒廿四年九月廿七日

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂其方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售

大清光緒廿四年六月廿九日 時雨軒主人謹啟

豐源號

本號輪船往來各埠船期開列如左 在各埠往實叻日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

由芙蓉往吉隆坡每逢禮拜二六日下午六點鐘開行

由芙蓉往吉隆坡每逢禮拜二四日下午四點鐘開行



由麻六甲回實叻每逢禮拜二五日下午四點鐘開行

豐源號謹啟

蜜酒出賣


烏密酒發賣

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用

有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日

明嗎也洋行謹啟

啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

法國頂上蜂窠標萬蘭池酒發客



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

三品出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟

